

臺灣歷史文獻叢刊

香港  
忠鈴企業有限公司  
沈为民董事长贈

臺灣縣志

docstipor 文川網  
入駐商家  
在文川網搜索古籍書城 获取更多電子書

統一編號

□ 30029820595 □



ISBN 957-00-2146-2

香港  
忠鈴企業有限公司  
沈為民董事長贈

臺灣歷史文獻叢刊

臺灣縣志

臺灣省文獻委員會編印

docsriver 文川网  
入驻商家 古籍书城

在文川网搜索古籍书城 获取更多电子书

臺灣歷史文獻叢刊

臺灣縣志

著者：陳文達

發行人：簡榮聰

出版：臺灣省文獻委員會

地址：南投市中興新村光明一路二五二號  
電話：(〇四九)三一六八八一、五

印刷：臺灣省政府印刷廠

地址：臺中縣大里鄉中興路一段二八八號  
電話：(〇四)三三九三一、二六〇八

定價：新臺幣貳佰肆拾元

中華民國八十一年六月三十日

臺灣文獻叢刊  
第一〇三種  
臺灣縣志(第一冊)

中華民國五十年六月出版

著者 陳文達

編輯者 臺灣銀行  
經濟研究室

臺北市重慶南路

發行者 臺灣銀行

臺北市重慶南路

經售者 中華書局

臺北市重慶南路

印刷者 臺灣省政府印刷廠

臺北市西寧南路

臺灣文獻叢刊  
第一〇三種

臺灣縣志(第二冊)

中華民國五十年六月出版

著者 陳文達

編輯者 臺灣銀行  
經濟研究室

臺北市重慶南路

發行者 臺灣銀行

臺北市重慶南路

經售者 中華書局

臺北市重慶南路

印刷者 臺灣省政府印刷廠

臺北市西寧南路

## 臺灣歷史文獻叢刊序（方志類）

周官外史掌四方之志，注謂若晉乘、魯春秋、楚檮杌之類，爲我國方志之濫觴，或以此爲古國史，封建既廢，後世郡縣之方志，不得而擬之也。有清乾嘉間，浙儒章實齋著《文史通議》，力駁此說，曰：「今之天下，民彝物則，未嘗稍異於古也，方志不得擬於國史，以言乎守令之官，皆自吏部遷除，既已不世其家，即不得如侯封之自紀其元於書耳，其文獻之上備朝廷徵取者，豈有異乎？人見春秋列國之自擅，所謂諸侯各自爲制度，略如割據之國史，不可推行於方志耳，不知周官之法，乃是同文共軌之盛治，侯封之稟王章，不異後世之郡縣也。」旨哉斯言，蓋方志之由來，悠然遠矣。

宋代而後，方志大興，作者輩出，至明清二代尤盛，清康熙十一年，曾詔各郡縣分輯志書，雍正間，甚且頒省、府、州、縣六十年一修之令，故至今清代方志之存者，多至數千種，不徒備國史之取資，而政事之考鏡，亦於



茲是賴。

臺灣之有方志，以《臺灣府志》為嚆矢，其書修於康熙二十餘年清人得臺之初，成於首任郡守蔣毓英之手，蓋是時臺灣新入版圖，且適逢清廷修志詔令新頒之會，是以孳孳於郡志之創修，惜終蔣氏之任，斯志竟不得刊刻、頒佈於臺地，以存一方文獻，至幾瀕湮滅，良可慨也。康熙三十三年，巡道高拱乾再輯郡志，為臺灣官刊方志之權輿，自是臺灣郡縣之建置，與時俱增，各廳縣志之興修，亦秉承當時風氣，燦然大備，惜年湮代遠，多有失傳者。迨光緒十八年，全臺纂修通志，各廳縣及直隸州，均奉檄修志或造送採訪冊，以備志局採擇。越三年，割臺之役起，通志之修，功虧一簣，僅成殘稿卷千卷，而各廳縣志及採訪冊，遂多散佚，及今思之，不無憾焉。

光復以還，臺灣文獻研究風氣大開，並得諸前輩之努力，乃使久已佚失之《臺灣縣志》、《諸羅縣志》、《鳳山縣志》、《苗栗縣志》……等，紛紛自海外及大陸攝影、抄錄歸來，陸續梓行，以資學界之運用。至蔣氏府

志孤本，早年方杰人（豪）先生即發現存於上海圖書館，幾經輾轉請託，迄未如願者，則近年已隨兩岸之解凍而流通，於是臺灣舊志之問世，乃得十之八九矣。臺灣銀行經濟研究室前曾校刊《臺灣文獻叢刊》數百種，臺灣方志蒐羅殆盡，嘉惠學界，功不可沒，惟晚近十數年來，臺灣歷史文獻之尋根，蔚為熱潮，向之所刊行者，多渺不可得，榮聘既承乏省文獻會，以志趣所關及職責所繫，乃積極推動「臺灣歷史文獻名著輯印計畫」，俾普及各界，爰就清初至日據初期之方志、采訪冊悉數輯印，旁及閩粵各通志、府志選本暨古今有繫於臺灣之官私地志，彙為一編，庶欲窮臺灣方志之學者，無復有東檢西閱之勞也，書既成，謹綴數語，略誌緣起，弁諸卷首，是為序。

臺灣省文獻委員會  
主任委員

簡榮聰

謹序於臺灣歷史文  
化園區文獻史料館

中華民國八十二年二月一日

## 施序

志乘之書，所以備省風而資問俗。故修志者必當考其詳、紀其實，使人觀戶口貢賦之日增，則知培養之力厚；觀詩書人文之蔚起，則知教化之功深；觀安置經畫之綢繆，則知苞桑之謀固。此與國史同爲徵信之書，非徒以誇耀耳目也。

臺灣遠在荒陬，古聲教所不及。先襄壯公蕩平海宇，以是地爲東南之保障，力疏請留，始置三縣：南鳳山、北諸羅，而臺灣居其中。臺之地廣不及鳳、諸，三十餘年來生聚教訓，迄於今，學校祀典，秩然以舉；人物藝文，蔚然以興；及乎賦役、軍防、民風、土產，與鳳、諸兩邑均爲海外之中華。攝令王君，以邑志未修，無以壯皇圖而光史冊，集羣儒蒐羅纂輯，不數月而告成。噫！今人服一官、宰一邑，方矻矻焉催科、讞鞠之不暇，而司馬王君以長才攝令事，政修人和；又復以其精神，輯未有之成書，俾海內知聖朝之車書聲教，無遠弗屆，蓋歎王君之非獨有吏才，且有史才矣。

余承先人後，八載於茲。諸志修，從而觀之；鳳志修，從而序之；今臺志修，又從而序之。既樂夫久道之化成，而百廢具興也。又願諸君子觀戶口之日增，益思所以培養之；觀詩書人文之蔚起，益思所以教育之；觀安置經畫之綢繆，益思所以鞏固之。斯克壯皇圖於勿替也。是爲序。

康熙五十九年歲次庚子，提督福建水師等處地方軍務，統轄臺澎水陸官兵事務、總兵官、左都督、帶餘功一次、加三級，溫陵施世驥撰。

## 梁序

貴輿馬氏作經籍考，分經、史、子、集爲四；而其間志乘之書，獨付於史部者，蓋以古者圖籍、戶口、天官、地理悉掌之史氏。故孟堅作書，首以十志，而厥後諸家仍之。洵乎作志者，非有史才不可也！夫以紀載之書，而出之才人之手，故其爲文覈而詳、其鋪敘雅而贍，芟所當芟、錄所當錄，不蕪不穢，有條而不紊。令讀之者觀風考俗，瞭然若指之掌，而不至下同於稗官襍濫之爲，蓋其難矣！然而天下之事，有創有因；有所因而踵成者易爲力，無所因而創始者難爲功。臺灣自勝國以前，旣荒蕪無所考；我皇上神聖威武，化及海外。乃始臣妾而郡縣之。今雖入版圖數十餘年，而其經制、規畫、山川、風土，未有淹雅之士爲之撰述。而編輯之者，徵其文，則文移冊籍而已；考其獻，則街談巷說而已。而欲從漫無所因之餘，援筆奮志，勒成一家之書，是難之中又有其難焉！是以守土者十易其人，皆因循退諉，而莫或一任其事也。

今郡佐王君，攝篆未及半載，毅然起而任之；延致諸生，措撫編綴，分門別類，彙次成帙，旣成而以示余，且屬余爲之序。夫以前此十人所逡巡却顧而莫之肯爲者，而王君獨於代庖之暇，簿書錢穀之餘，與諸生講求而纂定之，亦可謂不殫於爲創，而有志於章典文物之盛者矣。夫天下事，常始乎粗而卒乎精，其間蒐羅之所未備、詞義之所未該

；加以沿革不同、風俗日變，後有作者，因之而踵事增華，皆是書爲之權輿焉。是後人居其易，而王君獨任其難也。安見後人之才非卽君之才，而雖有扶風、龍門，其得不以是爲葦路藍縷也乎？

康熙五十九年歲次庚子五月，福建分巡臺灣廈門道，兼理學政按察使司副使、加四級、紀錄六次，壽春梁文煊撰。

## 王序

邑之有志，猶古諸侯之有史也。仰觀天文、俯察地理、中紀人事，其間盛衰、休咎、是非、美惡，所以昭勸戒而裨政教，其關係世道匪淺鮮也。是故作志非難，作志而信今傳後爲難。

臺灣昔屬荒裔，今歸版圖，歷年不啻三紀。其爲聖天子深仁厚澤之所涵濡及封疆大臣承宣德意，以致太平，山無伏莽、海不揚波；雖遠在天涯，而聲名文物增倍於前。五十六年，諸羅志成；五十八年，鳳山志又成。而臺灣邑志之修，愈令有志未逮，竟以陞遷去；虞山寅兄以是秋攝邑篆，他務未遑，汲汲然以修志爲急務，禮致羣儒，開局纂輯。稿旣脫，問序於余。披閱之下，其爲例也切而嚴，其爲文也贍而整，其爲事也該而核；而又於武備一篇爲最詳，自營制、額數、防汛、兵馬以及瞭望砲臺、巡哨戰艦，纖悉畢具。蓋深明於志之作，非徒以誇耀盛世之規模，飾爲觀美已也。將紀其興除利弊，與夫扼塞設建之周密，爲保障一方永遠之計，使後之君子按冊而稽，瞭如目前焉。

夫臺郡雖屬海外，通江、浙而連閩、廣，實爲四省之藩籬；而臺灣一邑，視鳳、諸爲尤要。以鹿耳門爲咽喉、以澎湖爲門戶，一邑固，則全郡皆賴以無虞，四省皆恃以鞏固。而山川風土之異其宜，因革措置之隨其地，戶口田賦之增其額；典秩備載，祥災必

書；飛、潛、動、植之物，靡不參考而詳盡。則斯志也，誠足以信今而傳後矣！從茲以往，考古者不患無徵，採風者不患無據；統一車書同文之治，不於今日而益見哉！而余值郡志明備之後，無事增修；獨四載來，於三屬邑志，獲觀厥成也，尤所深幸爾！

康熙五十九年庚子夏，知臺灣府事，上黨王珍樵氏撰。



## 王序

志何始乎？始於古也。古始於何時乎？始於九丘也。曷謂九丘？曰九州之志也。漢孔安國曰：丘，聚也；土地所生、風土所宜，皆聚於此書也。後世地志圖經，其皆權輿於此乎？而說者謂朝廷有一統志、省有通志、郡有郡志，雖邑乘不備，庸何傷？不知縣志者，郡、省、一統志之所取裁也；因時補救，則尙經濟；應期焜耀，則論人才；與世汗隆，則語風俗。俾覽者具有激厲之思，將廉頑懦立之是賴，所關豈不重歟？況臺灣僻在海外，原爲聲教不及之區，聖天子德威遠屆，闢疆土、設郡縣，三十八年於茲矣！臺，固附郭也，土地之廣狹，於何而考？規制之詳略，於何而稽？田賦之多寡、盛世之典秩，於何而問？設官分職，而以文章顯達於一時、聲稱遠垂於奕禩者，將何以信今而傳後？志又烏可已耶？而且諸志成於前、鳳志續於繼，獨臺邑之志缺焉未舉，亦海外一大憾事！志又烏可緩哉？

余攝篆臺邑，搜討郡乘、延訪群儒、廣羅博採、旁集遠緝，山澤奠其位、風土異其宜，城郭、疆域畫然也，祠壇、兵制肅然也，戶口、丁糧日積而日增，學校制度日新而日盛，循良、茂德、忠孝、節烈之流後先畢紀，下及一名一物之微，罔不發隱闡幽，哀而志之。始於己亥之季冬，成於庚子之孟夏，寧敢曰筆藻摛花，足以揚光史冊乎？紀其

docsriver 文川网  
入驻商家 古籍书城

在文川网搜索古籍书城 获取更多电子书

所見、錄其所聞，九州之外，別有天地，聊以備觀風者之採擇云爾。臺之後賢，必有能討論修飾而潤色者，庸書此以俟。

康熙五十九年庚子夏四月，臺灣府海防總捕同知、加一級、兼攝臺灣縣事，虞山王禮謹序。

## 凡例

一、邑治舊未有志，凡山川、風土、學校、兵防以及忠孝、節烈之流，無從稽考；即郡志所載，亦寥寥無幾。今特廣採見聞而詳列之，其綱有十：曰輿地、曰建置、曰秩官、曰武備、曰選舉、曰典禮、曰賦役、曰人物、曰雜記、曰藝文。其目八十有一，各以其類附於綱之內，以備參考。

一、疆土既闢，輿地昭然，故特標於卷首；而封域在輿地之中也。有輿地，卽有土產；有輿地，卽有風俗。郡志分而爲三，茲志合而爲一。而凡輿地之所該者，靡不搜羅畢周，無俾缺略；增而飾之，端有賴於後之君子。

一、輿地既定，建置興焉。凡邑治內經畫規制，統備於中，故標爲一卷；務詳而不務略、從繁而不從簡，豈第曰城池、營壘諸大務在所必建而已乎！卽至坊里、舖舍之類，橋梁、津渡之屬，亦各因地創置，隨事周詳，以彰盛世之規模焉。

一、名宦、鄉賢，所以表循良、勵清修也。臺之鄉賢雖未有聞，而名宦如陳瓚者，朝廷稱爲天下第一清官，又云國家祥瑞。今旣祀之府學名宦祠中，而邑治二祠虛懸以待。後之君子，尙其勉諸！

一、戶口、田地，有舊額、有新增，郡志載之詳矣。今止按其次第，而增其所無。

至於徵銀、存留，則例原有定額，從無增減之殊，悉仍之。

一、典禮係闔邑觀瞻，臺灣屬在海外，更宜加詳。故特標朝賀、詔令、公式、儀禮，以表一代之盛。至於廟宇雖極壯麗，而非有司致祭者，概列之寺廟中。

一、邑長官吏，凡治績可傳、去有遺思者，據其事實爲傳，附於秩官之後；其現在者不書。

一、義行、孝行、節烈，風化攸關，凡一節可採者必錄，善善從長也；與宦績、隱逸並列於人物之內，而以寓賢附之。臺灣開闢未四十年，事業方新，可傳者無多，當俟之後日；所謂「百年是非乃定」也。

一、選舉爲國家盛典，臺雖初闢，而科目與內郡等。邑之登賢書者，自康熙四十四年乙酉科始焉；詳其姓氏、紀其登科，而府學之由本邑撥入者附焉。貢生則有歲貢、恩貢、拔貢、副榜貢名色，畢志無遺。又有循例捐納貢生，由廩、增、附捐者載之，由俊秀捐者不與焉。

一、兵防爲地方要務，臺灣水陸營制，規模大備，皇上留心海疆、當道加意保障。凡戰船、汛兵以及砲臺、巡哨，無不相地之宜，設險以固疆圉。故特敘於營障之內，而以武職歷官列於後。

一、臺灣荒裔之區，古蹟恒不多見。間或有之，不過因地而著，非如內郡之名山大

川，足以供人遊玩也；非有學士大夫之吟詠，足以流傳弗衰也。至於寺廟、災祥在所必書，遺事、廣聞在所不略，集爲叢談，以備覽觀，豈曰好異云乎？

一、雜文、詩、賦必於風土有相關涉、文足傳世者，始爲採入；非是，雖有鴻儒著述，不登焉。若夫吟詠新篇，選其尤者，以附於後；勿謂揆藻摛華，海外遂無文字也！

## 修志姓氏

總裁：福建分巡臺灣廈門道兼理學政按察司副使加四級紀錄六次梁文煊。

鑒定：福建臺灣府知府加一級王珍。

主修：福建臺灣海防總捕同知加一級兼攝臺灣縣事王禮。


編纂：歲貢生陳文達、歲貢生林中桂、廩膳生員李欽文、廩膳生員張士箱。


參訂：福建臺灣府臺灣縣縣丞加一級馮迪、福建臺灣府臺灣縣儒學教諭加一級吳應異。


督梓：臺灣府臺灣縣澎湖司巡檢加一級李振宗、臺灣府鳳山縣典史加一級署臺灣縣典史周起渭。


陣圖













水

桶盤棧





docsriver 文川网  
入驻商家 古籍书城

在文川网搜索古籍书城 获取更多电子书

